

福建通

一

清列傳目錄

卷一

洪承疇

鄭芝龍

黃熙胤

黃徽胤

廣志遴

黃梧

芳度

芳世

施琅

世綸

世驤

世駿

士嶽

卷二

戴璣

黏太盛

林嗣環

施起元

楊司華

黃中通

何承都

鄧允槐

劉可模

林雲京

陳學復

薛法

蔡而烷

莊達

莊

週

吳愈聖

葉先登

尹雲龍

陳龍巖

鄭續昌

徐新勝

張仕縉

蕭震

林正芳

林鼎復

何傅

曾大升

莊振綱

黎士弘

黎致遠

陳寶端

黃熙縉

張松齡

劉從龍

鄭重

程甲化

王命岳

張可立

張選中

虞易

富鴻基

高龍光

彭鵬

鄭開極

基

培

際熙

際唐

張靜

丁煒

張韜

陳平

卷三

李光地 鍾倫 鍾佐 清藻 清觀 清機 清植 宗文 李日烺

光瑛 光北 李鼎徵 天龍 鍾倫 鍾立 鍾體 清時 清

載 清芳 道濟 道泰 李玉鳴 復發 洪忠 詹六奇

萬正色 際璋 際瑞 際昌 朝景 林瑞 陳國琦 治滋

張振伊 林皋 廖騰燦 潘錦 朱之弼 鄒兆 周龍

呂孝德 黃龍 文瞻 郭新 駱瀛 饒元 溫栢賢 許貞

龔其裕 張雄 福衍 福永 福飛

卷四

吳英 黃性震 吳郡 興業 光祖 輝祖 阮蔡文 陳子威

陳忠義 江洪瑄 蔡璋 蘇虎臣 施而寬 李智 羅士鈐

吳日光 朱天貴 源淳 郭世耀 陳斌 胡宗明 李琦 何譽

薛起受 林鳳 潘林祚 楊士珣 方冰 丁任俊 曾春 黃瑞

林正春 林國 高林 曾應鳳 金凱 黃日 彭日光 李燦

士龍 陳詰 朱元春 陳書 陳麟煥 藍理 陳昂

炯 芳 堯 蔣晟 李馥 陳進 黃偉 黃英 正

元 正綱 蘇侃 陳致遠 藍廷珍 吳陞 林洪烈 黃元驥

良佐 岳牧 陳俞侯 元煥 元煥 元煥 蔡江舫 陳夢球

余正健 林源 嚴宗溥 林兆惠 周文驥

卷五

余甸 林亮 鄭任鑰 蔡世遠 長 觀 蔡新 莊 林從時

倪鴻範 林祖成 莊亨陽 陳萬策 亮世 科捷 何勉

游崇功 藍鼎元 謝道承 黃煥彰 黃陞 林君陞 吳楠 何

青 朱文 林政 吳朝建 陳友 林黃彩 魏國泰 陳策

曾成 洪就 許良彬 林秀 周紹龍 雷鏐 陳大价 廖必琦

陳如雄 鳴夏 林混 陳高翔 黃世燾 甘國寶 黃海

卷六

林枝春 羅英笏 陳桂洲 吳鵬南 何逢傳 葉觀國 申

蔚 申藹 申萬 申薌 修昌 儀昌 滋森 大焯 在琦 大

道 大莊 莫淳 孟超然 藍應元 吳虎臣 林龍章 吳聚

張中煜 曾大猷 伊朝棟 秉綬 龔景瀚 李長庚 增階 懋

庸 懋元 廷鈺 梁上國 上治 上泰 雲鈺 祖乙望 楊鍾嶽

陳春波 張金銘 藍元枚 葉觀潮 陳霞蔚 王得祿 胡貴

羅光炤 林承昌 傅廷標 楊華 陳一凱 蔡攀龍 孫全謀

潘國材 蔡攀龍 羅卓 李進得 陳若霖 景亮 承裘 寶鑑

游光繹 陳奇芝

卷七

陳蘭疇 邱良功 成勳 楊彪 陳夢熊 黃飛鵬 蒲立勳

胡振聲 馬大賓 林廷福 游化 梁章鉅 蔣翎 齊鯤

蔡徵藩 陳光求 廖鴻荃

郭尙先

許邦光

林則徐 汝舟 聰彝 拱樞 賀崑

李彥彬 李彥章 蘇廷玉

陳功 魏敬中 鄭瑞麒 植 楊贊

楊繼勳 楊慶琛 曾元海

元澄 龔維琳 維琚 丕鉞 顯鸞

卷八

王慶雲 書雲 林揚祖 林紱 直

陳化成 邵連科 饒廷選

王有齡 郭柏蔭 武昌 王有樹

黃宗漢 邱景湘 林鴻年

何冠英 鄭瓊詔 鄭元璧 劉齊銜

林壽圖 黃洪彬 沈葆楨

鄭清 吳仲翔 梁鳴謙 王葆辰

陳溶 汪仕惠 林建猷

邱聯恩 賴高翔 林文察 趙新

龔易圖 林天齡 王國勳

陳欽銘 林維源 林紹年 陳懋侯 建侯

張亨嘉 江春霖

沈瑜慶 陳季同

福建列傳卷三十二

清一

洪承疇字彥演南安人明萬曆四十四年進士天啟時任浙江提學道遷布政使叅議又遷陝西督糧道叅政崇禎二年流賊王左掛掠宜州城堡承疇勦之俘斬三百餘人賊遁去三年授延綏巡撫左掛既降復叛承疇誅之尋與總兵杜文煥敗流賊張獻忠於清澗縣四年擢陝西三邊總督五年同總兵曹文詔賀虎臣等勦賊慶陽平涼擊斬賊渠可天飛等降其將白廣恩文詔復蹙賊耀州錐子山賊黨殺獨行狼等以降承疇戮四百人餘皆散遣七年綏寇紀畧作八年事監督河南山陝川湖軍務加太子太保兵部尚書時賊聚陝西至二十餘萬高迎祥最強自稱闖王李自成屬焉蹂躪鞏昌臨洮及隴州承疇檄總兵賀人龍左光先合擊破之賊東竄陷靈寶汜水滎陽八年承疇出潼關討賊次信陽諸將畢會賊見河南兵盛復分路奔還陝西張獻忠亦掠鳳翔與高迎祥合副將文萬年柳國鎮戰死文

詔請行承疇謂曰非將軍不能滅此賊吾兵已分無可策應將由涇陽趨淳化爲後勁文詔乃自甯州進鎮甯參將曹變蛟先敗賊於湫頭鎮乘勝逐北不及回顧文詔遇賊伏轉戰數里聲援絕自刎死承疇方遮賊涇陽三原間不至淳化賊勢益熾時有言承疇統轄太廣勢難兼顧者乃以盧象昇總理江北河南山陝川湖軍務督關外兵而承疇專督關內兵值高迎祥掠武功扶風以西李自成掠富平三原以東承疇兵躡自成大敗之渭南臨潼別遣將擊迎祥亦敗蹙東走尋爲巡撫孫傳庭擒送京師磔死賊黨推自成爲闖王十年自成陷甯羗人七盤關分三路寇掠承疇令總兵曹變蛟等赴援由洮河轉戰自成敗竄西羗界十一年自成謀犯蜀承疇檄總兵馬科左光先等扼之乃東遁曹變蛟設伏潼關南原大破賊自成遁高雄兵部尙書楊嗣昌劾承疇縱賊往來秦蜀迨久無功削官保尙書十二年授薊遼總督是年冬清兵攻明錦州及甯遠總兵金國鳳拒戰於甯遠城北山岡偕其二子俱歿於陣承疇疏言國鳳前守松山兵不滿

三千卒保孤城以事權專號令一而人心肅也迨擢任大將兵盈萬人反致殞命非其才力短由營伍紛紜人心不一也自今設連營節制之法凡遇警守城及出戰惟總兵官號令是聽應軍心齊肅矣十三年總兵祖大壽以錦州圍困告急承疇出山海關駐甯遠疏請調宣府大同諸鎮兵俟俱集合關內外兵十五萬又必芻糧足支一歲乃可守可戰十四年三月宣府總兵楊國柱大同總兵王樸密雲總兵唐通各率兵至與玉田總兵曹變蛟薊州總兵白廣恩前軍衛總兵王廷臣山海關總兵馬科甯遠總兵吳三桂凡八大將合兵十三萬馬四萬朝議以兵多餉艱令職方郎中張若麒趨戰乃進次松山八月楊國柱戰死以山西總兵李輔明代之曹變蛟營乳峯山岡諸軍列七營於松山城北屢出兵戰輒敗却既而伺清兵歸營復來犯望見太宗張黃蓋親督大兵布陣皆披靡退遁清兵遵太宗方畧度明兵必乘夜出犯分路堵截奮擊窮追殪之曹變蛟率步騎犯鐵黃旗汎地者一犯正黃旗汎地者四復夜突御營連敗却身中創奔還

松山黃樸吳三桂唐通馬科白廣恩李輔明相繼走大兵由杏山西追及
高橋發伏衝潰自海濱至桑阿爾齊堡又爲分駐大兵掩殺諸總兵僅以
身免張若騏匿漁船遁承疇先後喪士卒五萬三千七百餘人太宗勅諭
承疇及所屬將士曰朕率師至此料爾援兵聞之定行逃遁遂預遣兵圍
守杏山使不得入自塔山南至於海北至於山及甯遠東之連山一切去
路俱遣兵邀截又分兵各路截守爾兵逃竄爲我軍斬殺者積屍遍野投
海溺水者不可勝數今爾錦江松山援兵已絕朕思及此乃天意佑我也
爾等宜自爲計如以爲我軍止圍松錦其餘六城未必卽困殊不知時勢
至此不惟六城難保卽南北兩京明亦何能復有耶朕昔征朝鮮時圍其
王於南漢山朕詔諭云爾降必生全之及朝鮮王降朕踐前言仍令王其
國後聞大凌河祖總兵來降亦不殺之爾等所素聞也朕素以誠信待人
必不以虛言相誑爾等可自思之九月承疇謀突圍出悉城中步騎夜犯
鑲黃旂驍騎營正白鑲白兩旂漢軍營敗還傷斃千餘人十二月聞關內

兵三千赴援將至復出兵六千夜犯正紅旗護軍營正黃旗蒙古營爲天
轍所殪者四百二十餘人從杏山還伏發截殺者五百七十餘人敗退城
下因門閉不得入投降者二千餘人關內赴援兵竟駐甯遠終不進承疇
欲戰則力不支欲守則糧已竭欲遁又未敢成隊而出與曹變蛟王廷臣
巡撫邱民仰兵備道張斗姚恭王之楨等坐困城中越一月副將夏成德
遣人赴大軍通款以其子舒爲質約內應清兵夜樹梯登城城破斬曹變
蛟王廷臣邱民仰等生擒承疇送盛京贍養之祖大壽知承疇就擒因率
錦州諸將以城降明訛傳承疇已死予祭十六壇建祠都城外與邱民仰
並列莊烈帝將親臨奠俄聞承疇降乃止清崇德七年四月都察院叅政
張存仁上言臣觀洪承疇欣欣自得僥倖再生是仰慕真王思効力於我
國者應速令薙髮酌加任用五月召見崇政殿承疇奏曰臣困松山糧絕
人相食城破被擒自分應死蒙皇上矜憐不殺自知罪重不勝惶恐太宗
曰彼時各爲其主耳朕之擊敗十三萬兵得松錦諸城皆天也天道好生

善養人者斯合天道朕故思活爾爾但盡心圖報可耳尋命隸鑲黃旗漢軍順治元年四月睿親王多爾袞伐明承疇從師次遼河聞流賊李自成已陷京師承疇因陳進兵策曰我軍之強天下無敵宜先布號令示此行特掃除亂逆不屠人民不焚廬舍不掠財物其開門歸降及首倡內應立大功者破格封賞法立令行此要務也向見流賊遇弱則攻遇強則走今聞我軍至必遁而西宜從薊州密雲疾行而前賊若走則以精騎追之若仍據京城以拒我則破之更易至入關路隘我兵皆不便履險恐賊伏精銳邀我宜改騎爲步從高瞰之俾步前馬後比入邊則步卒皆馬兵也抵京日連營城外以斷西路諸援兵則賊可一戰而殲矣五月清軍擊走流賊定京師承疇奉旨仍以太子太保兵部尙書兼都察院右副都御史原銜入內院佐理機務遂爲秘書院大學士二年閏六月豫親王多鐸定江南明福王朱由崧就擒上命承疇往駐江甯繕給招撫南方總督軍務大學士印賜勅便宜行事承疇至疏列明南京翰林科道卿寺部屬等降順

者百四十九人請令赴部錄用是時明唐王自號隆武據福建其大學士黃道周引閩兵出浙江開化明御史金聲家居休甯受聿鍵部院職募鄉兵十餘萬屯積溪明魯王朱以海據紹興高安王朱常洪據徽州蕪水王朱術輓次子常衆冒族兄樊山王舊稱結寨英山潛山間又有朱由棧冒稱金華王據饒州朱詎石冒稱樂安王朱詎勛冒稱瑞昌王分據保陽與金壇鄉村聯結江南北黨與謀犯江甯承疇檄提督張天祿總兵卜從善胡茂楨等分路進攻擒金聲於積溪擒黃道周於婺源先後解至江甯諭降不從斬之明故官荆本徹李守庫徐君美等據崇明承疇檄總兵李成棟攻之斬守庫擒君美降其城本徹竄入海三年正月承疇查知江甯人有叛應朱詎石朱詎勛者於距城五十里之西溝地捕斬萬德華等五十餘人又閉城搜捕鞠實郭世彥尤璠等三十一人誅之朱詎石朱詎勛合衆二萬來犯火攻神策門清兵先分出潮陽太平二門堵截乃啟神策門衝擊大敗之追至攝山擒斬無算尋檄總兵馬得功卜從善等勦潛山司

空寨斬守寨頭目石應璧等生擒朱常棣搜獲源嚴杭山擒朱常洪及其
監運道江于東職方司許文珩等復擒朱誼勳及其經畧章爾韜總兵楊
三貫夏合章等於句容丹徒擒朱由權及其族人朱常洵朱常泚朱常瀄
於饒州鄱陽湖擒朱誼勳之弟誼賢及瑞昌王軍師趙正於宿松縣之潯
池並斬之明給事中陳子龍家居華亭結太湖潰衆遙附朱以海承疇遣
參領索布圖往捕子龍投水死四年四月駐防江甯總管巴山張大猷奏
柘林遊擊陳際可擒賊謝堯文獲明魯王封承疇國公及其總兵黃斌卿
致承疇與巡撫王國寶書有請爲內應殺臣張二將則江南不足定語上
獎巴山等嚴察亂萌而諭慰承疇國寶曰朕益知賊計眞同兒戲因卿等
皆我朝得力大臣故反間以圖陰陷朕豈墮此計耶十月巴山等以察獲
逆僧函可金獵等五人携有謀叛踪跡牒承疇鞠訊承疇疏言函可乃故
明尙書韓日纘之子出家多年乙酉春自廣東來江甯刷印藏經值大兵
平江南久住未回今以廣東路通向臣請牌回里臣因韓日纘是臣曾試

房師送給印牌及城門盤驗經笥中有福王答阮大鍼書稿字失避忌又有變紀一書干預時事其不行焚燬自取愆尤與隨從之僧徒金獵等四人無涉臣與函可世誼應避嫌不敢定擬謹將書牒牌文封送內院得旨下吏部察議承疇私給印牌應革職世祖以承疇勞績可嘉宥之承疇以江南湖海諸寇俱削平又聞其父已卒於關請解任守制乃調宣大總督馬國柱爲江南江西河南總督五年四月至京回內院六月充太宗文皇帝實錄總裁官充會試正考官加少傅兼太子太傅八年閏二月命管都察院左都御史事尋甄別諸御史分爲六等擬差用魏琯等二十二入內陞陳昌言等二人外陞張煊等十一人王世功等十七人外調降用革任有差五月張煊疏劾吏部尙書陳名夏植黨營私諸款有囑承疇庇其門生李嵩陽留任御史及太僕少卿黃徽元因承疇姻戚驟陞正卿語並劾承疇不請旨私送母回閩又屢與名夏及尙書陳之遴聚集火神廟屏左右密議逃叛下王貝勒大臣集質名夏辯釋承疇以送母回閩未奏明白

引罪至火神廟會議數次則皆因甄別御史商酌應差用及陞調降革者也得旨聚議事不必懸揣送每回閩未奏爲親甘罪其情可原仍留任以責後効九年五月丁母憂命入直如故弘居持服賜其母祭葬九月欽天監奏太白星與日爭光流星入紫微宮時內大臣議請駕往邊外迎達賴喇嘛承疇同大學士陳之遴疏言日者人君之象太白敢與爭光紫薇宮者人君之位流星敢于突入上天垂象誠宜警惕且今年南方苦旱北方苦澇歲飢盜起處處入告非聖躬遠幸之時達賴喇嘛自遠方至遣一大臣接迎已足見優待之意何勞聖躬親往疏入得諭曰卿言甚是朕卽停止嗣後國家一切機務敷陳毋有隱諱十年正月調宏文院大學士五月調國史院大學士時明桂王居安隆流賊遺黨一隻虎郝搖旗孫可望李定國等俱假封號以招集散亡聯結梟健踞滇黔掠楚粵上命承疇經畧湖廣廣東廣西雲南貴州特旨太保兼太子太師兵部尚書都察院右副都御史諭之曰湖南兩廣雖漸底定滇黔阻遠尙未歸誠朕將以文德綏

懷不欲勤兵黷武而遠人未喻朕心時復蠢動必得威望重臣曉暢民情
練達治理者相機撫勦方可救甯朕徧察廷臣惟爾克當斯任前招撫江
南已有成効茲命綏靖南方聽擇要地歷剏俟滇黔既定善後有人卽命
還朝承疇奏言臣年過六十理宜退休乃荷特畀經畧之任伏願時論吏
戶兵三部仰承聖意俾臣得竭力展布勦撫中機上卽命內院以特假便
宜條款詳列勅書傳示內外遵行並允承疇奏薦以原任大學士李率泰
爲兩廣總督與平南王尙可喜靖南王耿繼茂駐守廣東改撥土賊未靖
之江西省屬承疇鑄給經畧湖廣江西雲南貴州內院大學士印十一月
承疇疏言湖廣有孫可望抗拒於南郝搖旗一隻虎等肆毒於北或由澧
州而犯常德或由岳州而犯湘潭則我腹背受敵廣西有李定國耿耿思
逞距桂林二百里惟附郭之臨桂縣與靈川興安二縣及全州未爲所據
我兵若由桂林進勦而彼自靖沅乘虛潛襲則我首尾難顧宜防守嚴密
乃可隨機援勦上命甯南大將軍辰泰率八旗兵往湖廣與承疇商駐要